

阿毗達磨法蘊足論卷第十一 第十一

尊者大目犍連造 三藏法師玄奘奉 詔譯

多界品第二十之餘

云何欲界謂於欲境諸貪等貪乃至貪類貪生惣名欲界復次欲貪及欲貪相應受想行識并所等起身業語業不相應行惣名欲界

云何恚界謂於有情欲為損害乃至現為過患惣名恚界復次瞋恚及瞋恚相應受想行

識并所等起身業語業不相應行惣名恚界云何害界謂以手塊刀杖等物隨一苦具捶

打有情諸損等損害等害瞋恚所起能起苦事惣名害界復次諸害及害相應受想行識

并所等起身業語業不相應行惣名害界云

何無欲界謂於欲界思惟過患如是欲界是不善法是下賤者信解受持佛及弟子賢貴

善士共所呵厭能為自害能為他害能為俱害能滅智慧能礙彼類能障涅槃受持此法

不生通慧不引菩提不證涅槃如是思惟發

勤精進乃至勵意不息是名無欲界復次為

斷欲界於無欲界思惟功德如是無欲界是

善法是尊勝者信解受持佛及弟子賢貴善

士共所欣贊不為自害不為他害不為俱害

增長智慧不礙彼類不障涅槃受持此法能

生通慧能引菩提能證涅槃如是思惟發勤

精進乃至勵意不息是名無欲界復次思惟

欲界如病如癰如箭惱害無常苦空非我轉

動勞倦羸篤是失壞法迅速不停衰損非恒

不可保信是變壞法如是思惟發勤精進是

名無欲界復次為斷欲界思惟彼滅是滅是

離思惟彼道是道是出如是思惟發勤精進

乃至勵意不息是名無欲界復次若思惟捨

心定及道捨心定相應并無想定滅定擇滅

如是思惟發勤精進乃至勵意不息是名無

欲界復次無欲及無欲相應受想行識并所

發起身業語業不相應行惣名無欲界云何

無恚界謂於恚界思惟過患如是恚界是不

善法乃至不證涅槃如是思惟發勤精進乃至
至勵意不息是名無恚界復次為斷恚界於
無恚界思惟功德如是無恚界是善法乃至
能證涅槃如是思惟發勤精進乃至勵意不
息是名無恚界復次思惟恚界如病如癱乃
至是變壞法如是思惟發勤精進是名無恚

第十一

二

界復次為斷恚界思惟彼滅是滅是離是思
惟彼道是道是出如是思惟發勤精進乃至
勵意不息是名無恚界復次若思惟慈心定
及道慈心定相應如是思惟發勤精進乃至
勵意不息是名無恚界復次無恚及無恚相
應受想行識并所等起身業語業不相應行
摠名無恚界云何無害界謂於害界思惟過
患如是害界是不善法乃至不證涅槃如是
思惟發勤精進乃至勵意不息是名無害界
復次為斷害界於無害界思惟功德如是不
害界是善法乃至能證涅槃如是思惟發勤
精進乃至勵意不息是名無害界復次思惟

害界如病如癱乃至是變壞法如是思惟發
勤精進是名無害界復次為斷害界思惟彼
滅是滅是離思惟彼道是道是出如是思惟
發勤精進乃至勵意不息是名無害界復次
若思惟悲心定及道悲心定相應如是思惟
發勤精進乃至勵意不息是名無害界復次

無害及無害相應受想行識并所等起身業
語業不相應行摠名無害界

云何樂界謂順樂觸所起身樂心樂平等受
受所攝是名樂界復次修第三靜慮順樂受
觸所起心樂平等受受所攝是名樂界云何
苦界謂順苦觸所起身苦不平等受受所攝

第十一

三

是名苦界云何喜界謂順喜觸所起心喜平
等受受所攝是名喜界復次修初二靜慮順
喜觸所起心喜平等受受所攝是名喜界云
何憂界謂順憂觸所起心憂不平等受受所
攝是名憂界云何捨界謂順捨觸所起身捨
心捨非平等非不平等受受所攝是名捨界

復次修未至定靜慮中間第四靜慮及無色定順不苦不樂觸所起心捨非平等非不平等受受所攝是名捨界云何無明界謂三界無知是名無明界

云何受界謂六受身即眼觸所生受乃至意觸所生受是名受界云何想界謂六想身即眼觸所生想乃至意觸所生想是名想界云何行界謂六思身即眼觸所生思乃至意觸所生思是名行界云何識界謂六識身即眼識乃至意識是名識界

云何欲界謂有諸法欲貪隨增是名欲界復次欲界繫十八界十二處五蘊是名欲界復次下從無間地獄上至他化自在天於中所有色受想行識是名欲界云何色界謂有諸法色貪隨增是名色界復次下從梵衆天上十二處五蘊是名色界復次下從梵衆天上至色究竟天於中所有色受想行識是名色界云何無色界謂有諸法無色貪隨增是名

無色界復次無色界繫三界二處四蘊是名無色界復次如欲色界處定建立不相雜亂非無色界有如是事然依定生勝劣差別建立上下下從空無邊處上至非想非非想處於中所有受想行識是名無色界云何色界謂欲色界摠名色界云何無色界謂四無色是名無色界云何滅界謂擇滅非擇滅是名滅界復次諸有色法摠名色界除擇滅非擇滅餘無色法是名無色界擇滅非擇滅是名滅界云何過去界謂過去五蘊是名過去界云何未來界謂未來五蘊是名未來界云何現在界謂現在五蘊是名現在界云何劣界

第十一

四

謂不善有覆無記法是名劣界云何中界謂有漏善及無覆無記法是名中界云何妙界謂無漏善法是名妙界云何善界謂善身語業心心所法不相應行及擇滅是名善界云何不善界謂不善身語業心心所法不相應行是名不善界云何無記界謂無記色心心

所法不相應行及虛空非擇滅是名無記界
云何學界謂學五蘊是名學界云何無學界
謂無學五蘊是名無學界云何非學非無學
界謂有漏五蘊及虛空擇滅非擇滅是名非
學非無學界

云何有漏界謂有漏五蘊是名有漏界云何
無漏界謂無漏五蘊及虛空擇滅非擇滅是
名無漏界云何有為界謂五蘊是名有為界
云何無為界謂虛空及二滅是名無為界
世南曰
界有六十二 十八界為初 三六一四種
六三兩種二

緣起品第二十一

一時薄伽梵在室羅筏住逝多林給孤獨園
尔時世尊告苾芻眾吾當為汝宣說緣起緣
已生法汝應諦聽執善作意云何緣起謂依
此有彼有此生故彼生謂無明緣行行緣識
識緣名色名色緣六處六處緣觸觸緣受受

第十一

五

緣受愛緣取取緣有有緣生生緣老死發生
愁歎苦憂擾惱如是便集純大苦蘊苾芻當
知生緣老死若佛出世若不出世如是緣起
法住法界一切如來自然通達等覺宣說施
設建立分別開示令其顯了謂生緣老死如
是乃至無明緣行應知亦尔此中所有法性
法定法理法趣是真是實是諦是如非妄非
虛非倒非異是名緣起云何名為緣已生法
謂無明行識名色六處觸受愛取有生老死
如是名為緣已生法苾芻當知老死是無常
是有為是所造作是緣已生盡法没法離法
滅法生有取愛受觸六處名色識行無明亦
尔苾芻當知我諸多聞賢聖弟子於此緣起
緣已生法能以正慧如實善見善知善了善
思惟善通達不依前際而起愚惑謂我於過
去世為曾有非有何等我曾有云何我曾有
不依後際而起愚惑謂我於未來世為當有
非有何等我當有云何我當有亦不依內而

起愚惑謂何等是我此我云何我誰所有我當有誰今此有情從何而來於此處沒當往何所彼如是知如是見故所有世間各別見趣謂我論相應有情論相應命者論相應吉凶論相應瑩飾防護執為已有有苦有礙有災有熱彼於今時得斷徧知如斷樹根及多雜頂無復勢力後永不生所以者何謂我多聞賢聖弟子於此緣起緣已生法能以正慧如實善見善知善了善思惟善通達故時諸苾芻歡喜敬受

此中緣起緣已生法其體雖一而義有異謂或有緣起非緣已生法或有緣已生法非緣起或有緣起亦緣已生法或有非緣起亦非緣已生法或有緣起非緣已生法者無也或有緣已生法非緣起者謂無明行識名色六處觸受愛取有生老死或有緣起亦緣已生法者謂生定能生於老死如是生支定能為緣是緣起性及緣已生法性如有取愛受

第十一

六

觸六處名色識行無明應知亦非緣起非緣已生法者謂除前相又生緣老死者謂此生支雖異生異滅而緣起理恒時決定若過去生非老死緣者應未來生亦非老死緣若未來生非老死緣者應過去生亦非老死緣若過去生非老死緣者應現在生亦非老死緣若現在生非老死緣者應過去生亦非老死緣若未來生非老死緣者應現在生亦非老死緣若現在生非老死緣者應未來生亦非老死緣若佛出世時生非老死緣者應佛不出世時生亦非老死緣若佛不出世時生非老死緣者應佛出世時生亦非老死緣若緣起理有顛倒者應成二分不決定故應可破壞理雜亂故若今不應施設緣起佛不應說生緣老死然佛所說生緣老死理趣決定去來今世有佛無佛曾無改轉法性恒然不隱不沒不傾不動其理湛然前聖後聖同所遊履是真是實是諦是如非妄非虛非倒非

異是故佛說生緣老死如是有取受受觸六
處名色識行無明緣行亦尔

復次無明緣行者云何無明謂於前際無知
後際無知前後際無知於內無知外無知於
內外無知於業無知異熟無知業異熟無知
於善作業無知惡作業無知善惡作業無知

第十一

七

於因無知因所生法無知於佛法僧無知於
苦集滅道無知於善不善法無知於有罪無
罪法無知於應修不應修法無知於下劣勝
妙法無知於黑白法無知於有敵對法無知
於緣生無知於六觸處如實無知如是無知
無見非現觀黑闇愚癡無明盲冥罽網纏裹

頑駭渾濁障蓋發盲發無明發無智發劣慧
障礙善品令不涅槃無明漏無明瀑流無明
輒無明毒根無明毒莖無明毒枝無明毒葉
無明毒花無明毒菓癡等癡極癡俱等俱極
俱癡類癡生摠名無明云何無明緣行謂世
尊說苾芻當知無明為因無明為緣故貪瞋

癡起此貪瞋癡性是名無明緣行復次如世
尊說苾芻當知無明為前行無明為標幟故
起無量種惡不善法謂無慙無愧等由無慙
無愧故起諸邪見由邪見故起邪思惟由邪
思惟故起邪語由邪語故起邪業由邪業故
起邪命由邪命故起邪勤由邪勤故起邪念

由邪念故起邪定此邪見邪思惟邪語邪業
邪命邪勤邪定邪定是名無明緣行復次如
世尊說苾芻當知起無量種惡不善法一切
皆以無明為根無明為集是無明類從無明
生墮無明趣者不如實知善不善法有罪無
罪法應修不應修法下劣勝妙法黑白法有
敵對法緣生諸法不如實知此諸法故便起
邪見邪思惟乃至邪念邪定是名無明緣行
復次危喻經中佛作是說無明為緣造福非
福及不動行云何福行謂有漏善身業語業
心心所法不相應行如是諸行長夜能招可
愛可樂可欣可意諸異熟果此果名福亦名

福果以是福業異熟果故是名福行云何非福行謂諸不善身業語業心心所法不相應行如是諸行長夜能招不可愛不可樂不可欣不可意諸異熟果此果名非福亦名非福果是非福業異熟果故是名非福行云何不動行謂四無色定諸有漏善是名不動行云

第十一

何無明為緣造非福行謂有一類由貪瞋癡纏縛心故造身語意三種惡行此三惡行名非福行由此因緣身壞命終墮於地獄於彼復造非福行等是名無明為緣造非福行如說地獄傍生鬼界應知亦尔云何無明為緣造福行謂有一類於人趣樂繫心希求彼作是念願我當生人趣同分與諸人眾同受快樂因此希求造能感人趣身語意妙行此三妙行名為福行由此因緣身壞命終生於人趣與諸人眾同受快樂於彼復造諸福行等是名無明為緣造福行有不繫心希求人樂但由無明蔽動心故造身語意三種妙行此

三妙行名為福行由此因緣身壞命終生於人趣於彼復造諸福行等是名無明為緣造福行如說人趣四大王眾天三十三天夜摩天觀史多天樂變化天他化自在天應知亦尔時有一類於梵眾天繫心希求彼作是念願我當生梵眾天眾同分中因此希求勤修

加行離欲惡不善法有尋有伺離生喜樂初靜慮具足住於此定中諸身律儀語律儀命清淨名為福行由此因緣身壞命終生梵眾天眾同分中於彼復造諸福行等是名無明為緣造福行有不繫心希求生彼但由無明蔽動心故勤修加行離欲惡不善法有尋有

第十一

九

伺離生喜樂初靜慮具足住於此定中諸身律儀語律儀命清淨名為福行由此因緣身壞命終生梵眾天眾同分中於彼復造諸福行等是名無明為緣造福行如說梵眾天梵輔天大梵天少光天無量光天極光淨天少淨天無量淨天徧淨天無雲天福生天廣果

天隨其所應廣說亦亦復有一類於無想天繫心希求彼作是念願我當生無想天衆同分中因此希求勤修加行思惟諸想是鹿苦障思惟無想是靜妙離由此思惟能滅諸想安住無想彼諸想滅住無想時名無想定入此定時諸身律儀語律儀命清淨名爲福行由此因緣身壞命終生無想天衆同分中於彼亦能造少福行有不繫心希求生波但由無明蔽動心故勤修加行思惟諸想是鹿苦障思惟無想是靜妙離由此思惟能滅諸想安住無想彼諸想滅住無想時名無想定入此定時諸身律儀語律儀命清淨名爲福行由此因緣身壞命終生無想天衆同分中於彼亦能造少福行有不繫心希求生波但由無明蔽動心故勤修加行思惟諸想是鹿苦障思惟無想是靜妙離由此思惟能滅諸想安住無想彼諸想滅住無想時名無想定入此定時諸身律儀語律儀命清淨名爲福行

種種想入無邊空空無邊處具足在於此定中諸思等思現前等思已思當思思性思類造心意業名不動行由此因緣身壞命終生空無邊處天衆同分中於彼復能造不動行是名無明爲緣造不動行有不繫心希求生彼但由無明蔽動心故勤修加行超諸色想滅有對想不思惟種種想入無邊空空無邊處具足在於此定中諸思等思現前等思已思當思思性思類造心意業名不動行由此因緣身壞命終生空無邊處天衆同分中於彼復能造不動行是名無明爲緣造不動行如說空無邊處識無邊處無所有處非想非非想處應知亦亦如是諸行無明爲緣無明爲依無明爲建立故起等起生等生聚集出現故名無明緣行云何行緣識謂有一類貪瞋癡俱生思爲緣故起貪瞋癡俱生諸識是名行緣識復有一類無貪無瞋無癡俱生思爲緣故起無貪無

第十一

十

瞋無癡俱生諸識是名行緣識復次眼及色為緣生眼識此中眼是內有為行色為外緣生眼識是名行緣識乃至意及法為緣生意識此中意是內有為行法為外緣生意識是名行緣識復次意喻經中佛作是說造福非福不動行已有隨福非福不動識云何造非福行已有隨非福識謂有一類由貪瞋癡纏縛心故造身語意三種惡行此三惡行名非福行由此因緣身壞命終墮於地獄於彼起識是名造非福行已有隨非福識如說地獄傍生鬼界應知亦尔云何造福行已有隨福識謂有一類於人趣樂繫心希求彼作是念願我當生人趣同分與諸人眾同受快樂因此希求造能感人趣身語意妙行此三妙行名為福行由此因緣身壞命終生於人趣於彼起識是名造福行已有隨福識有不繫心希求人樂但由無明蔽動心故造身語意三種妙行此三妙行名為福行由此因緣身壞

第十一

十一

命終生於人趣於彼起識是名造福行已有隨福識如說人趣四大王眾天乃至他化自在天應知亦尔復有一類於梵眾天繫心希求彼作是念願我當生梵眾天眾同分中因此欣求勤修加行超諸色想滅有對想不思惟種種想入無邊空空無邊處具足住於此定中諸

思等思現前等思已思當思思性思類造心意業名不動行由此因緣身壞命終生空無邊處天衆同分中於彼起識是名造不動行已有隨不動識有不繫心希求生彼但由無明蔽動心故勤修加行超諸色想乃至造心意業名不動行由此因緣身壞命終生空無

邊處天衆同分中於彼起識是名造不動行已有隨不動識如說空無邊處天乃至非想非非想天應知亦尔如是諸識行爲緣行爲依行爲建立故起等起生等生聚集出現故名行緣識

云何識緣名色謂有一類貪瞋癡俱生識爲緣故起貪瞋癡俱生身業語業名爲色即彼所生受想行識名爲名是名識緣名色復有一類無貪無瞋無癡俱生識爲緣故起無貪無瞋無癡俱生身業語業名爲色即彼所生受想行識名爲名是名識緣名色復次教誨那地迦經中佛作是說若那地迦所愛親友

第十一

十二

變壞離散便生愁歎苦憂擾惱此愁俱生識爲緣故起愁俱生身業語業名爲色即彼所生受想行識名爲名是名識緣名色復次教誨頗勒窣那經中佛作是說頗勒窣那識爲食故後有生起此識云何謂健達縛最後心意識增長堅住未斷未徧知未滅未變吐此識無間入母胎藏此所託胎名爲色即彼所生受想行識名爲名是名識緣名色復次大因緣經中尊者慶喜問佛名色爲有緣不佛言有緣此緣謂識佛告慶喜識若不入母胎藏者名色得成羯刺藍不阿

難陀曰不也世尊識若不入母胎藏者名色得生此界中不不也世尊識若初時已斷壞者後時名色得增長不不也世尊識若全無為可施設有名色不不也世尊是故慶喜一切名色皆識為緣是名識緣名色如是名色識為緣識為依識為建立故起等起生等生

第十一

十三

聚集出現故名識緣名色云何名色緣識謂眼色為緣生眼識此中眼及色名為色即彼所生受想行識名為名於中作意等能助生眼識是名名色緣識乃至意法為緣生意識此中諸意識所了色名為色即彼所生受想行識名為名於中作意等能助生意識是名名色緣識復次教誨頗勒窣那經中佛作是說頗勒窣那識為食故後有生起此識云何謂健達縛廣說乃至與羯刺藍自體和合此羯刺藍自體和合名為色即彼所生受想行識名為名於中作意等能助生意識是名名色緣識復次教誨莎底經中

佛作是說三事和合入母胎藏廣說乃至此識無間入母胎藏此所託胎名為色即彼所生受想行識名為名於中作意等能助生意識是名名色緣識復有一類由貪瞋癡纏縛心故造身語意三種惡行此中身語惡行名為色意惡行名為名由此惡行名色為緣身壞命終墮於地獄於彼起識是名名色緣識如說地獄傍生鬼界應知亦於時有一類於人趣樂繫心希求因此希求造能感人趣身語意妙行此中身語妙行名為色意妙行名為名由此妙行名色為緣身壞命終生於人趣於彼起識是名名色緣識如說人趣四大王眾天乃至他化自在天應知亦於復有一類於梵眾天繫心希求因此希求勤

修加行離欲惡不善法乃至初靜慮具足任
於此定中諸身律儀語律儀命清淨名為色
即彼所生受想行識名為名由此為緣身壞
命終生梵眾天眾同分中於彼起識是名名
色緣識如說梵眾天梵輔天乃至非想非非
想處隨其所應當知亦亦復次大因緣經中

第十一

十四

尊者慶喜問佛諸識為有緣不佛言有緣此
謂名色佛告慶喜若無名色諸識轉不阿難
陀曰不也世尊若無名色為所依止後世所
受生老死識為得生不不也世尊若諸名色
都無所有為可施設有諸識不不也世尊是
故慶喜諸識皆以名色為緣是名名色緣識

如是諸識名色為緣名色為依名色為建立
故起等起生等生聚集出現故名名色緣識
云何名色緣六處謂有一類為寒所逼希求
於暖得好暖故便起身中暖俱大種此中若
暖若暖俱大種名為色即彼所生受想行識
名為名由此名色眼耳鼻舌身及意根皆得

增長是名名色緣六處為熱所逼希求於冷
應知亦亦復有一類為飢所逼希求於食得
好食故便起身中食俱大種此中若食若食
俱大種名為色即彼所生受想行識名為名
由此名色六根增長是名名色緣六處復有
一類為渴所逼希求於飲得好飲故便起身

中飲俱大種此中若飲若飲俱大種名為色
即彼所生受想行識名為名由此名色六根
增長是名名色緣六處復有一類勞倦所逼
希求止息按摩睡眠由遂意故便起身中彼
俱大種此中若按摩等若彼俱大種名為色
即彼所生受想行識名為名由此名色六根

第十一

十五

增上是名名色緣六處復有一類於盛熱時
熱渴所逼入清涼池恣意飲浴便起身中彼
俱大種此中若清冷水若彼俱大種名為色
即彼所生受想行識名為名由此名色六根
增長是名名色緣六處復次教誨頗勒婁那
經中佛作是說頗勒婁那識為食故後有生

起此識云何謂健達縛廣說乃至與羯刺藍自體和合此羯刺藍自體和合名為色即彼所生受想行識名為名亦時非理作意俱生名色為緣母胎藏中六根生起是名名色緣六處復次教誨莎底經中佛作是說三事和合入母胎藏廣說乃至此識無間入母胎藏

此所託胎名為色即彼所生受想行識名為名亦時非理作意俱生名色為緣母胎藏中六根生起是名名色緣六處復有一類由貪瞋癡纏縛心故造身語意三種惡行此中身語惡行名為色意惡行名為名由此惡行名色為緣身壞命終墮於地獄六根生起是名

名色緣六處如說地獄傍生鬼界應知亦亦復有一類於人趣樂繫心希求因此希求造能感人趣身語意妙行此中身語妙行名為色意妙行名為名由此妙行名色為緣身壞命終生於人趣六根生起是名名色緣六處如說人趣四大王眾天乃至他化自在天應

知亦亦復有一類於梵眾天繫心希求因此希求勤修加行離欲惡不善法乃至初靜慮具足住於此定中諸身律儀語律儀命清淨名為色即彼所生受想行識名為名由此為緣身壞命終生梵眾天眾同分中六根生起是名名色緣六處如說梵眾天梵輔天乃至非想非非想處天隨其所應當知亦亦是名名色緣六處如是六處名色為緣名色為依緣名色為建立故起等起生等生聚集出現故名名色緣六處

十六末

說一切有部法蘊足論卷第十一 第十一

塊傾對捶打上之音 湛然上宅 標幟下音
亦作 危於貢 勒窶下其 健達上其 羯刺上居
下郎 莎底上蘇